

Transkription von Urkunde SDL 1366a

Ort, Datierung: Stendal, 1366-05-14

Signatur: Stadtarchiv Hansestadt Stendal, k.A.

Inhalt: Gebrüder van Wultitze: Pacht- und Rentenbrief

Wý . Thideke van wultitze . vnd Cone van wultitze He(n)ni(n)ges sôn van wultitze knapen Beke(n)nen
vnd Betughe(n) oppe(n)bare / vor alle den Jhenen de dessen Brýf seen . odder lesen horen . Dat wý met
wolbedachtem mûte . met Rade vnd met / vulborde vnser frunde . redeleken . vnd rechtleken hebben
vor koft . vnd hebbe(n) vp ghelaten . vor vnser heren den Marg=/greuen . den Bescheyden manne
Thýdeken scharthowe Borgher to stendal . vnd synen rechten eruen . so dane gud Jarlike / pleghe . vnd
Rente . de dar lecht in deme dorppe to hoghen wultitze . also hir na bescreven steyt . Jn Coppen
berchten hove . / dat druddendeýl van eýner marcke B(ra)nd(enburgesch) sulu(er)es . vnd in deme
seluen houe . dat druddendeýl der Beden also dry schilli(n)=/ghe . vnd eýn scherf Brand(enborgesch)
pe(n)ni(n)ghe to svnte wolborghen daghe . vnd also vele pe(n)ni(n)ghe to svnte Mýchils daghe vnd /
dat druddendeýl van twen schepel rogghen . vnd dat Druddendeýl van twen schepel ghersten . vnd dat
druddendeýl van / vÿr schepel hauerer fredeleken . vnd erfleken to eýme rechten lene to hebbene . vnd
to besittende sunder allerleyge hýnder vnd / arghelýst . Dese vorscreuen Jarlyke pleghe vnd Rente
schalman alle Jarlykes . to rechter týd . vt den vorbenomeden hove / Thýdeken scharthowen . vnd
sýnen rechten eruen . met guden korne . vnd met guden pe(n)ni(n)ghen Bereýden . vnd Betalen in /
der stad to stendal . svnder allerleyge hýnde(re) . vnd ane vortoch . vnd willen en . vnd sýnen rechten
eruen desses vorscrevene / gudes eýn recht gheware sýn vor allerleye ansprake . Hýr ouer hebben
gheweset to tughe . de wýsen manne , Thideke . Cone . / vnd arnt Brudere gheheýten van wultitze .
vnd Otte scharthow Borgher to stendal . vnd volemer guder lude de wol tughes / werdich sýnt . Dat wý
alle desse vorschreue stücke desses bryues . vnd eýn ýslich Bý svndern . stede . vnd ghantz
vntobroken / halden willen . hebbe wý vnse Jngheseghele . met hern Bartholdus Jngheseghel prýster
gheheýten van wultitze met recht(er) / witschap to tughe an dessen Brýf laten henghen . De ghe
gheuen is Na Goddes ghe Bort Drutteýnhvndert Jare Jn de=/me sesse . vnd Sestighesten Jare . an deme
heýlighen daghe . der heýlighen hemelvar vnser heren ihesu (cristi) /